

ANTICOSTI – MESHINATUAKANIT ANITE AITUNIT ESHPITASHKAMIKANIT ANITE UNESCO

Pishimuss 2017, Kanata-tshishe-utshimau mashinataimupan Anticosti anite [Liste indicative des sites du patrimoine mondial de l'UNESCO au Canada](#), shash uetitshpanit tshetshi eshpitashkamikat nishtuapatakanit.

Tipan ka ishinakuak ka ishi-nanatuapatitshenanut assit tshetshi tshissenitakanit assi tipatshimun mak eshi-takuak tshekuan enniuimakak anite assit

Uatakanit Anticosti katshi naushunakanit ne e tshitapatakanit [critère viii tshé ishi-pimutenanut tshé tshitshipannanut atusseun ne Kauaueshitunanut aitun eshpitashkamikat](#), uesh uapatakanu eshi-kanuenitashut tipatshimunit ne assi e uitakanit mak ne eshi-takuak tshekuan enniuimakak anite assit.

Tapue, ne minishtik^u Anticosti eukuan ka ut minuat tshetshi nanatuapatitshenanut assit ute eshpitashkamikat e uitakanit tshetshi nanatuapatitshenanut anite atamit assit tshetshi uapatakanit aishi-takuak anite tshekuan anite tshe ut tshitshipannanut *Ordovicien* nuash *Silurien*, shash pet 447-437 millions tatunnuepipuna. Ne eshpitapipuk uatakanit assi e tshitapatakanit miam katshitaitshemakan ne Assi tipatshimun – ushkat tshekuan ka ishpanit ka ui mishue eshpishat nipatakanit. Ka aishpanit ne assi e uitakanit mak ne e uitakanit assi aishpanit uiauitakanit eshinakuak, e minu-uauitakanit mak eshi-amatshuepanit aishpanit aishinakuak ne assi Anticosti eukuan ne kassinu uatakanit eshi-pimutemakak kie ekute nite muk^u eshinakuak meshta-apatak tshetshi minu-tshissenitakanit mak ekute ait tapue eshinakuak. Ait tapue tshitshue eshinakuak eshi-uapatakanit inniun anite tekuak anite ne minishtik^u Anticosti shash pet tatumitashumitannuepipuna ka tshissenitakuak, mak nanitam tekushiniht kananatuapatitsheht Kanata-assit ka taht mak maniteuat ka mishta-itenitakushiht.



Pierre Bertrand utakunakanat

Anticosti iapit mishta-uitakanu ekute ka mishta-itenitakuak uetshenat ka ashineikuht ka minuatahk aishinakuannit assinu mak tipatshimunnu : kamishta-kuanapishkat, kamishitueiat minashkuau, massekua, utshashumeku-shipu, uashuashkutuan mak ishkuteu-uta ka nakatakaniti, tshiashi-mitshuapa, kie kutaka tshekua. Eshpishat ne assi, kutunnu ashu nishuasht anu mishau mak at ne eshpishat Munian-minishtik^u, mitshetuait tshekuanu tshipa tshi uapataniakanuat maniteuat. Ne minishtiku tshipa tshi ishi-uapatakanu ute eshpitashkamikat tshitshue auen tshetshi kushkupanit ishpish mishta-minuashiniti.

Atusseun tshé matshpanit tshekuan mak tshé mamuitunanut

Eshi-pimutenanut tshetshi mashinataikanit ne minishtiku anite aitunit eshpitashkamikat anite UNESCO, tshitshue mishau ne atusseun, tshé animatshenitakuak mak tshé mishta-atushkanut. Utenau Minishtiku

Anticosite, kaminu-nishtuatapatahk tshekuannu anite tauat mak mitshet anite ka ut itishauakaniht innit mak tshishe-utshimau-aitunit utenaua mak eshi-tipenitamumakaki assi, atusseutshuapa anite ka ut tshitapatakanit metueun-maniteuat mak ue Uepishtikueiau-tshishe-utshimau anite ut nishuait tshishe-utshimat ka ut itishauakanit.

Eshpishpatshitanakanit tshetshi mashinataikanit ne assi anite aitunit eshpitashkamikat anite UNESCO

Uitakanu tshetshi mashinataikanit ne Anticosti tshetshi natashtakanit tshatshipanit ume pipun 2021 anite Matshinaikanitshuapit aitun eshpitashkamikat mak tshetshi minu-tshitapatakanit anite ne Kamamunakaniht ka tshitapatahk aitunnu eshpitashkamikanit tuiet epishiminishkueua 2022. Utinakanit aimun ne netuenitakanit tshetshi mashinataikanit ne assi tshe tshissenitakuak anu katak^u e ashuapatakanit nipinnit 2023.

Ka ishi-pimutenanut anite ne aitun eshpitashkamikat anite UNESCO eukuan tshetshi ut pitshitshipannanut ussi-aituna tshe takuak anitshenat ut maniteuat ashit e nashakanit ne tshissenitamun eshpitashkamikat, kie umenua shash tekuaki kanataunanut mak kaikussenanut, anite pitashue ne [tshe ussi-pimutenanut maniteuat e tshitapamakaniht](#).

TSHETSHI NATSHI-UAPATAKANIT

- Mashinaikan uatakaniti assia aitun eshpitashkamikat tekuaki ute Kanata-assit
<https://www.pc.gc.ca/fr/culture/spm-whs/indicative-tentative>
- Eshi-nashakanit tshetshi naushunakanit tshetshi ashtakanit anite ne Mashinaikan aitun eshpitashkamikat
<https://whc.unesco.org/fr/criteres/>
- Tshissinuaimatsheun tshe ishi-tshitshipanitakanit atusseun ne Kauaueshitunanut aitun eshpitashkamikat
<https://whc.unesco.org/fr/orientations/>
- Tshe tutakanit assi anite kassinu aishi-inniuimakak tshekuan tshe ashtakanit anite ne Anticosti mak tshe ishi-uauetashtakanit tshetshi minu-kanuenitakanit – pishimuss 2020
<http://www2.publicationsduquebec.gouv.qc.ca/dynamicSearch/telecharge.php?type=1&file=2020F%2F73623.PDF>
- Tshe ishi-minupanitakanit maniteuat tshe taht anite ne Anticosti
<https://municipalite-anticosti.org/wp-content/uploads/2020/08/Anticosti-Strategie-en-tourisme-Aout-2020-1.pdf>